

# SA Akademie vir Wetenskap en Kuns

## Beursinligting



**Naam en van:** Charlton Jafta

**Universiteit:** Noordwes universiteit

**Meesters:**

**Doktoraal:**

**Postdok:**

**Studierigting:**

Openbare Bestuur

**Titel van proefskrif of  
Verhandeling:**

'n Ondersoek aangaande die effektiwiteit van die Geïntegreerde  
Ontwikkelingsplan van die Oudtshoorn plaaslike munisipaliteit

**Datum van afhandeling:**

November 2017

**Uitslag:**

Slaag (cum laude)

**Indien u studie nog nie afgehandel is nie op watter datum beplan u om klaar te wees:**

**Gee asseblief 'n kort opsomming (500 woorde) van u studie en ook die uitkomst van u studie wat die Akademie op hul webblad kan plaas.**

Die oorgang na demokrasie het massiewe transformasie teweeggebring in plaaslike regering en 'n aantal hervormings was ingestel op plaaslike regering en in alle sferes van die regering sedert 1994. Volgens Van der Waldt (2010:94) het plaaslike regering se rol om slegs tradisionele dienste aan gemeenskappe te voorsien verander om ongelykhede wat in die verlede gebeur het aan te spreek. Hierdie rol bevorder volhoubare ontwikkeling en verdiep demokrasie deur openbare deelname – wat dus ontwikkelend van aard moet wees. Geïntegreerde Ontwikkelingsbeplanning (GOB) is sentraal in hierdie nuwe sisteem van ontwikkelende plaaslike regering en verteenwoordig die dryfkrag om munisipaliteite meer strategies, inklusief, responsief en prestasiegedrewe in karakter te maak. Dit is in hierdie konteks wat die Geïntegreerde Ontwikkelingsplan (GOP) van die Oudtshoorn Plaaslike Munisipaliteit (OPM) ondersoek en geëvalueer is tydens hierdie studie.

Daar bestaan 'n persepsie dat GOP'e nie die gewenste resultate op plaaslike regering lewer as waarvoor dit aanvanklik bedoel is nie. Een van hierdie studie se doelwitte was dus om 'n verbeterde GOP-evalueringsraamwerk te ontwikkel vir die plaaslike sfeer in Suid-Afrika. Hierdie verbeterde GOP-evalueringsraamwerk sal nie net GOP'e evalueer nie, maar sal as 'n handleiding dien vir munisipaliteite om realistiese en implementeerbare GOP'e te ontwikkel.

Die empiriese aspek van hierdie studie is onderneem in die Oudtshoorn munisipale area. Kwalitatiewe navorsingsmetodologie is uitgevoer, die navorser het onderhoude met nege munisipale amptenare en vyf gemeenskapsleiers in die munisipale area gevoer. As sulks, het die literatuurstudie tesame met die wetenskaplike analise van data opnames van die deelnemers die navorser instaat gestel om bevindinge te maak oor die empiriese studie. As deel van die literatuurstudie is die wetgewende en regulerende raamwerk vir GOB ook bespreek. Dit het ten doel gehad om GOB as middelpunt van munisipale beplanning en ontwikkeling te plaas.